

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON
Općina Maglaj
OPĆINSKI NAČELNIK



BOSNIA AND HERZEGOVINA
Federation of Bosnia and Herzegovina
ZENICA-DOBOJ CANTON
Maglaj Municipality
MAYOR

Broj: 07-40-4-389 /23
Maglaj, 10.03.2023. godine

INFORMACIJA
o deminiranju, obilježavanju i uništavanju neeksplozivnih ubojnih sredstava na općini
Maglaj u 2022. godini

Maglaj, mart/ožujak 2023. godine

Adresa: Viteška ulica br. 4, 74250 Maglaj, tel: 032 465 810, fax: 032 465 817
www.maglaj.ba, E-mail: općina@maglaj.ba

I UVOD

Općina Maglaj je jedna od najugroženijih općina kako u Federaciji BiH tako i u ZE-DO kantonu kada su u pitanju mine i neeksplozirana ubojna sredstva, pri čemu je Služba civilne zaštite stalno uključena u organizaciju i odrađivanje pomenutih poslova, te planom i programom rada svake godine planiraju se aktivnosti na provođenju preventivnih i operativnih mjera zaštite i spašavanja od mina i NUS-a.

Služba civilne zaštite konstantno od 1996. godine sudjeluje u uklanjanju i uništavanju NUS-a kao i pripremi, izradi i kandidovanju projekata prioriternog deminiranja, izviđanja u cilju prikupljanja potrebnih podataka, tehničke obrade te dostave liste prioriteta deminiranja lokacija na općini Maglaj, kao i primopredaju deminiranih lokacija te uvođenje krajnjih korisnika u deminirane posjede.

Zakon o zaštiti i spašavanju ljudi i materijalnih dobara od prirodnih i drugih nesreća („Službene novine FBiH“, br. 39/03, 22/06 i 43/10), pored ostalih mjera, nalaže i provođenje mjera zaštite od neeksploziranih ubojnih sredstava (NUS) koja se sastoji u pronalazaženju, otkrivanju, obilježavanju, iskopavanju, prenošenju, utovaru, prevoženju, istovaru, privremenom uskladištenju, deaktiviranju i uništavanju NUS-a, kako na područjima na kojima su pronadene, tako i na lokaciji (poligonu) koja je određena i odobrena za poslove uništavanja.

Poslovi koji se odnose na pomenutu problematiku, kao i deminiranje utvrđeni su Zakonom o deminiranju te standardno operativnim procedurama Centra za uklanjanje mina (BHMACH).

II AKTIVNOSTI NA KANDIDOVANJU PROJEKATA DEMINIRANJA ZA 2023. GODINU

Na listi prioriteta BH MAC-a Regionalni ured Tuzla za 2023. godinu nalazi se 11 projekata tehničkog izviđanja i čišćenja i to 478.687,80m² tehničkog izviđanja i 134.009,28m² čišćenja što ukupno iznosi 612.697,08 m² prostora. Podaci su prikazani u tabeli broj 1.

Tabela 1. Lista pripremljenih projekata deminiranja za 2022.godinu za Općinu Maglaj

Redni broj	ID broj	Naziv zadatka	Mjesna zajednica	Protuminska akcija (m ²)	
				Čišćenje	Tehničko izviđanje
01.	7953	LZ Jablanica	Jablanica	56.260,48	-
02.	8500	LZ Gornji Ulišnjak	Ulišnjak	20.080,54	-
03.	8815	Vodovod Liješnica	Liješnica		8.118,35
04.	8052	Bijela Ploča – Parnica obala	Bijela Ploča	12.589,93	
05.	7131	Brezove Dane 2	Brezove Dane	45.078,33	-
06.	8816	Liješnica-Nekočj-Deponija smeća 2	Liješnica	-	84.110,00
07.	10454	Kamenolom-Grohot	Čobe	-	55.069,45
08.	7955	LZ Jablanica 3	Jablanica	-	82.020,00
09.		LZ Jablanica 3A	Jablanica		87.490,00
10.	7956	LZ Jablanica 4	Jablanica	-	83.100,00
11.		LZ Jablanica 4A	Jablanica		78.780,00
				134.009,28	478.687,80
				UKUPNO: 612.697,08m²	

U toku 2022.godine u 10 navrata izvršen izlazak na teren u cilju izviđanja i pripreme potrebnih podataka vezanih za izradu i prijedloge projekata deminiranja naprijed navedenih lokacija.

III AKTIVNOSTI NA DEMINIRANJU U 2022. GODINI

U 2022. godini je kandidirano 11 projekata prioritnog deminiranja koji se nalaze na listi BH MAC-a ZE-DO kantona za 2022. godinu od 612.697,08 m² prostora.

U 2022. godini vršeno je deminiranje na teritoriji općine Maglaj na lokalitetu Parnice na zadatku Parnica iznad tunela Orline, ID 14135. Deminiranje od 22.210,34 m² izveli demineri deminerske organizacije "Detektor" doo iz Banja Luke.

Deminerska organizacija "Point" doo iz Orašja izvršila deminiranje terena na zadatku Parnica stari tunel, ID 14307 površine od 19.631,96 m² terena.

Deminerska organizacija MAG iz Sarajeva je započela deminiranje na lokalitetu Ulišnjak-Straište-Krsno polje-Bakotić površine od cca 1.200.000,00 m² koje će biti završeno tokom 2023. Godine. U prošloj godini ukupno je deminirano 41.842,30 m² prostora.

Grafički prikaz deminirane površine u period od 2001-2022.godine




Tabela 2. Tabela prikaz deminirane površine u periodu od 1996-2022.godine

r/b	GODINA	DEMINIRANO (m ²)
1.	1996	44.280,00
2.	1997	14.894,00
3.	1998	64.761,00
4.	1999	101.789,00
5.	2000	102.789,00
6.	2001	42.667,00
7.	2002	45.479,00
8.	2003	35.190,00
9.	2004	31.926,00
10.	2005	84.231,00
11.	2006	151.064,00
12.	2007	108.346,00
13.	2008	488.356,79
14.	2009	88.600,00
15.	2010	397.551,00
16.	2011	307.664,00
17.	2012	20.231,21
18.	2013	55.556,00
19.	2014	337.940,00
20.	2015	327.739,00
21.	2016	246.335,05
22.	2017	45.837,00
23.	2018	28.423,00
24.	2019	0,00
25.	2020	28.000,00
26.	2021	120.463,00
27.	2022	41.842,30
	UKUPNO:	3.361.954,40 m²

Imajući u vidu da je na osnovu prve revizije općinskog Plana protuminskog djelovanja za općinu Maglaj, krajem 2010. godine koju je uradio BH MAC, a sumnjiva površina procijenjena na 20.307.000,00 m² prostora možemo reći da ukupna deminirana površina u periodu 1996. – 2022. godine iznosi 3.3261.954,40 m² prostora, što iznosi 16,56% od ukupne sumnjive površine.

U toku prošle godine upućen je Javni poziv svim mjesnim zajednicama, preduzećima, udruženjima građana, Šumskom privrednom društvu i svim drugim koji imaju problema sa sumnjivim površinama kao i poznate lokacije sa minskim poljima da iste predlože za deminiranje kako bi se ispred Službe civilne zaštite iste kandidovale za deminiranje.

Potrebno je napomenuti da je vršeno reizvidanje i obilježavanje svih poznatih minskih polja, kao i sumnjivih lokacija standardnim minskim oznakama, na lokalitetima na kojima su iste otuđene. U 2022. godini sa izviđačima BH MAC-a odrađivani su poslovi na na lokalitetima Jablanice, Ulišnjaka, Straišta i Krsnog Polja na provođenju projekta SMP (smanjenje rizičnih površina).

IV AKTIVNOSTI NA PRONALAZENJU I UNIŠTAVANJU MINA I NEEKSPLODIRANIH UBOJNIH SREDSTAVA U 2022.GODINI

U toku 2022. godine u Službi civilne zaštite vodene su aktivnosti na pronalasku, obilježavanju, privremenom uskladištenju te uništavanju pronađenih ubojnih sredstava kako na mjestu pronalaska tako i na lokaciji određenoj za ove poslove.

Prilikom odradivanja spomenutih poslova tokom 2022. godine ubojna sredstva su prikupljena 11 puta na terenu po dojavama građana i drugih pravnih lica (tabela 3).

Tabela 3. Tabelarni prikaz ubojnih sredstava pronađenih, uklonjenih i transportiranih u kontejner CZ Busovača 2022.godini


R/b	NAZIV UBOJNOG SREDSTVA	KOMADA
1.	Balistička kappa mine ručnog bacača	1
2.	Ručna bomba	9
3.	Minobacačka mina	1
4.	Stabilizator leta	1
5.	Tromblonska mina kumulativna	1
6.	PG-7	1
7.	Tromblonska mina trenutna	1

U 2022. godini broj pronađenih, uklonjenih i transportiranih sredstava u kontejner civilne zaštite Busovača je bio 15.

Pošto su linije razdvajanja u toku aktivnih borbenih djelovanja često pomjerane, a mine su postavljane često bez pravih zapisnika i orijentira, a znajući da je veliki broj ubojnih sredstava ostao neaktiviran, time je i minska situacija kompliciranija, pogotovo kad se zna da je poznato 60% minskih polja od ukupnog broja postavljenih, time je minska situacija još gora, što nažalost trebamo napomenuti da su na našoj Općini od 1996. godine nastradale 54 osobe, od čega 27 smrtno, a 27 osoba su lakše ili teže ozlijeđeno.

U 2022. godini nije bilo minskih nesreća.

Grafički prikaz broja pronađenih i uklonjenih sredstava u periodu od 2001-2022.godine



V SURADNJA SA DRUGIM SUBJEKTIMA

U protekloj godini ostvarena je dobra suradnja sa mnogim subjektima, između ostalih sa BH MAC-om, BH MAC Regionalni ured Tuzla, Policijskom stanicom Maglaj, Kantonalnom i Federalnom upravom civilne zaštite, OS BiH, udruženjima građana, humanitarnim, vladinim i komercijalnim deminerskim organizacijama, mjesnim zajednicama, Handicap Internationalom, Domom zdravlja Maglaj i bolnicom Tešanj, JP RTV Maglaj i sa drugim sredstvima informiranja, Općinskim načelnikom i Općinskim vijećem, općinama u okruženju, Internacionalnim fondovima za deminiranje (ITF), Ministarstvom civilnih poslova, te sa Službama civilne zaštite općina u okruženju.

VI ZAKLJUČCI

1. Služba civilne zaštite na području općine Maglaj posvećuje posebnu pažnju na preventivnoj zaštiti i spašavanju stanovništva od mina i neeksplozivnih ubojnih sredstava.
2. Sa odrađenim poslovima na deminiranju u 2022. godini možemo biti zadovoljni, ali zbog činjenice da je na prostoru naše općine ostao veliki broj obilježenih minskih polja uglavnom na površinama treće kategorije (periferna šumska područja), pojedinačno postavljene mine kao i mine iznenadjenja i zaostala neeksplozivna ubojna sredstva koja predstavljaju permanentnu opasnost po građane, a naročito djecu, potrebno je nastaviti i proširiti dosadašnju suradnju sa svima koji mogu pomoći u rješavanju spomenutih problema.
3. Urađeni poslovi na trajnom obilježavanju te kontrola postavljenih minskih oznaka i informativnih tabli (džambo plakate), potrebna je jača i bolja kontrola radi onemogućavanja uništavanja i otuđivanja postavljenih oznaka trajnog obilježavanja od strane šire društvene zajednice, a posebno pripadnika Policijske stanice Maglaj.
4. Pošto je u posljednje vrijeme evidentno smanjenje iznosa donatorskih sredstava za deminiranje, neophodno je osigurati vlastita finansijska sredstva (planiranjem sredstava u Budžetu Općine Maglaj) s ciljem otklanjanja minskih opasnosti.
5. Potrebno je pronaći i po mogućnosti povećati iznos sredstava za deminiranje i uništavanje NUS-a i iz drugih izvora (ne samo iz Budžeta Općine Maglaj) putem Službe za privredu, finansije/financije i razvoj poduzetništva apliciranjem za sredstva od Federalnog ministarstva poljoprivrede, vodoprivrede i šumarstva i drugih.
6. U vezi sa navedenim Služba civilne zaštite će u skladu sa svojim mogućnostima i ovlaštenju nastaviti odrađivanje naprijed pomenutih poslova, prije svega djelujući preventivno na spriječavanju neželjenih posljedica, utječući na ponašanje građana da izbjegavaju korištenje opasnih i sumnjivih područja i da ne dolaze u dodir sa pronađenim ubojnim sredstvima.

OBRADIVAČ:

Anto Maglica



DOSTAVLJENO:

1. Općinsko vijeće
2. Služba civilne zaštite
3. a/a



OPĆINSKI NAČELNIK

Mirsad Mahmutagić